



Inatsisartut Inuussutissarsiornermut Aatsitassanullu Ataatsimiititaliaq

**Siunnersuut uunga: erngup nukinganik nukissiorfissat il.il.  
taakkunungalu atortussat aningaasalersorneqarnissaannut  
ingerlanneqarnissaannullu sinaakkusersuutit pillugit Inatsisartut  
inatsisaat (UKA2021/152), pillugu Inuussutissarsiornermut  
Aatsitassanullu Ataatsimiititaliap apequtaannut akissuteqaat**

20-10-2021  
Suliap nr. 2020 – 2184

3900 Nuuk  
Tlf. (+299) 34 50 00  
E-mail: pan@nanoq.gl  
www.naalakkersuisut.gl

- 1. Tamakkiisumik aningaasaliissutissatut naatsorsuutigisat  
attaneqarsinnaassusiat Naalakkersuisunit isummerfigineqassasoq  
Inuussutissarsiornermut Aatsitassanullu Ataatsimiititaliamit  
kissaatigineqarpoq. Ilaatigut siusinnerusukkut suliniutinit assingusunit  
misilittakkat tunngavigalugit suut suliniutinut  
akitsorsaataasinnaanersutut Naalakkersuisunit  
isumaliutigineqarsimappat?**

**Akissut:**

Nukissiorfiit suliassanut sanatitsisuuvoq. Nukissiorfiit erngup nukinganik sanaartornermi siusinnerusukkut sanatitsisusimavoq, assersuutigalugu Ilulissani pilersuinissamut Paakitsumi erngup nukinganik innaallagissiorfiup 2013-mi ingerlanneqalersup pilersinneqarnerani.

Apeqqutip akissuteqarfigineqarnissaanut Nukissiorfinnit ilanngussassanik aallertoqarpoq. Nukissiorfiit paasissutissiipput:

*”Tunngaviusumik tunngavissat arlallit suliassanut akigititanut pingaaruteqarsinnaapput. Pissutsit nalinginnaasut ilai aqunneqarsinnaasanngillat, aammalu pissutsit suliassamut tunngassuteqarnerusut aalajangersimasumik annertussusilimmik aqunneqarsinnaasarlutik.*

*Pissutsit nalinginnaasut ilaannut tunngatillugu taaneqarsinnaapput atortussanut aningaasartuutit, sulisussanut aamma sanaartugassamik pilersaarusiornermut tunngasut, neqerooruteqartitsinerup nalaani akigititanut pingaaruteqarsinnaasut. Taakkunani avataani niuerfinni ingerlatsisut pissutaasarput, eqqoriaruminaassinnaallutik aammalu nunarsuarmi aningaasaqarnermi nikerartuarnerit tassangaannaq pisartut apeqqutaasarlutik (assersuutigalugu atortussiassanik amigaateqalernerme imaluunniit nunarsuarmi sanaartornermik inuussutissarsiutillit annertuumik ulapaarneranni imaluunniit nunarsuarmi tuniluuttoqalernerani).*

*Pissutsit nalinginnaasut taamaattut, neqeroorutit tiguneqartut aningaasaliissutinut killissaliussanit qaffasinneruppata, suliariumannittussarsiuussinerup unitsinneqarsinnaalernerani aatsaat iliuuseqarfigineqarsinnaalertarput.*

*Pissutsini suliassamut tunngassuteqartuni piffissap pitsaassutsillu aningaasaqarnermut sunniuteqartussaanerat pingaaruteqarpoq. Pisumi matumani suliassani marlunni taakkunani UPA2021/152-mi pineqartunut ilaatinneqartuni pitsaassusissaq neqeroortitsinermut najoqqutassani piumasagaatit nassuiaasersorneqarnerisigut aalajangersarneqarpoq. Tamatumunnga taarsiullugu suliarinninnermut piffissami eqaassuseqartitsinerulerneq suliassamut akigititat aalajangersarneqarnerannut annertoorujussuarmik sunniuteqarsinnaavoq.*

*Suliassat (sanaartugassamik pilersaarusiorneq) aamma aqqissuunneqarnissaat neqeroortitsinerup nalaani unammilleqatigiinnermi tunngavissatut ilaatinnissaa qulakkeerniarlugu, suliassat suliassami tamakkiisunut sanaartornermut akigititassanut isumaqatigiissuteqarfigineqartussatut neqeroortitsivigineqarput. Nunani tamalaani neqeroortitsinermi qinnuteqartussat amerlasuut kajumilersinniarnissaat, taamaalillunilu suliassanut unammilleqatigiinnerup sukannernerulersinneqarnissaa, Inatsisissatut siunnersuummi § 7-mi periarfissiissutigineqarpoq. Naatsorsuutigineqarpoq entreprenørit neqerooruteqartussat misissueqqaarnernut pisariaqartunut pilersaarutiniq kiisalu suliassanut assigtiingitsunut suleqatigiikkaat qassit sulisinneqarnissaannut pilersaarutiniq suliaqassasut. Tassani suliassamut ataatsimut, taassuma piffissami sivikinnerusumi ingerlanneqarsinnaanissaanut, suleqatigiikkaat arlallit sulilersinneqassappata, immikkut aningaasartuutissat annertuujusussaapput. ”*

Naalakkersuisut Nukissiorfinnit (sanatitsisutut) paasissutissat taakkua tunaartaraat, aammalu annertunerusunik ilassutissaqaratik.

**2. Ilaatigut suliniutinut aningaasalersueriaatsinut kinguneqartumik mittarfiliornermut atatillugu suliniutit imminut akilersinnaasut suliniutillu imminut akilersinnaanngitsut immikkoortinneqarsimapput. Tamanna siunnersuummut matumunnga sanilliunneqarsinnaava?**

**Akissut:**

Erngup nukinganik nukissiorfissat il.il. taakkunungalugu atortussat aningaasalersorneqarnissaannut ingerlanneqarnissaannullu sinaakkusersuutit pillugit Inatsisartut inatsisaat (UKA2021/152) sanaartornermut inatsisaavoq ataatsimoortoq, Qasigianguani aamma Aasianni pilersuinermut erngup nukinganik innaallagissiorfiliornissap, kiisalu Nuummi erngup nukinganik pilersuinerup allilerneqarnissaata sulissutigissagaat Naalakkersuisut peqquneqarnissaat pillugu (UKA2019/153) 2019-imi ukiakkut ataatsimiinnermi Inatsisartut aalajangiinerannik naammassinnittoq. Taamaalilluni aallaaviatigut

Nuummi suliassap aammalu Qasigiannuani Aasiannilu suliassap akornanni immikkoortitsinissaq siunnerfigineqanngilaq.

Suliassat ataatsimoorlutik aammalu immikkoorlutik imminut akilersinnaapput.

Nukissiorfiit suliassani sanatitsisuuvoq aammalu aningaasalersuinermi periaasissaq akikinnerpaaq tassaavoq Nunap karsianiit taarsigassarsititseqqinnerup aqqutigineqarnera. Sanaartornerup ingerlanerani nikittoqarluni, immaqalu missingersuutini allanngortitsisoqarluni pisoqarpat, Nukissiorfiit nammineerluni sanaartornermut sinaakktissami iluanni tamanna iliuseqarfigisussaassagaa naatsorsuutigineqarpoq.

**3. Siunnersuutip matumani pineqartup akisunerulersinnaanerani aningaasalersueqqittariaqalernissaq pillugu nalornisoqalinnginnissaata qulakkeerneqarnissaa siunertaralugu Naalakkersuisut mittarfiliornernit misilittakkat tunngavigalugit eqqarsaatersuuteqarsimappat?**

**Akissut:**

Apeqqummut 1-imut aamma 2-mut akissuteqaatit innersuussutigineqarput.

Inussiarnersumik inuulluaqqusillunga

  
Kalistat Lund



Nunalerinermut, Imminut Pilersornermut,  
Nukissiuutinut Avatangiisinullu Naalakkersuisoq

Ulloq: 18-10-2021  
J.nr.: 01.36.02.03-00269

**Siunnersuut uunga: Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit, pillugu Naalakkersuisunut apequtit. (UKA 2021/152)**

- 1) Tamakkiisumik aningaasaliissutissat naatsorsuutigisat attanneqarsinnaassusiat Naalakkersuisunit isummerfigineqassasoq Inuussutissarsiornermut Aatsitassanullu Ataatsimiititaliamit kissaatigineqarpoq. Ilaatigut siusinnerusukkut suliniutinit assingusunit misilittakkat tunngavigalugit suut suliniutinut akitsorsaataasinnaanersutut Naalakkersuisunit isumaliutigineqarsimappat?
- 2) Ilaatigut suliniutinut aningaasalersueriaatsinut kinguneqartumik mittarfiliornermut atatillugu suliniutit imminut akilersinnaasut suliniutillu imminut akilersinnaanngitsut immikkoortinneqarsimapput. Tamanna siunnersuummut matumunnga sanilliunneqarsinnaava?
- 3) Siunnersuutip matumani pineqartup akisunerulersinnaanerani aningaasalersueqqittariaqalernissaq pillugu nalornisoqalinnginnissaata qulakkeerneqarnissaa siunertaralugu Naalakkersuisut mittarfiliornernit misilittakkat tunngavigalugit eqqarsaatersuuteqarsimappat?

Apeqqutinut siuliani allassimasunut allakkatigut akissut (kalaallisut danskisullu) sapinngisamik piaartumik tiguneqassasoq ataatsimiititaliamit qinnutigineqarpoq. Akissut qarasaasiakkut ataatsimiititaliap allattaanut ([juul@inatsisartut.gl](mailto:juul@inatsisartut.gl)).

Isertuussinissaq eqqarsaatigalugu apequtit siuliani allassimasut oqaatsit atorlugit akineqarnissaat pitsaanerusoq Naalakkersuisunit nalilerneqarpat, tamanna piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiissinnaanermut ulluliussassatut siunnersuut nalunaarutigalugu. Tassunga atatillugu oqaatigineqassaaq ataatsimiititaliap apeqqutaanut akissuteqartoqartinnagu siunnersuutip suliarinerata ingerlaqqinnissaa pillugu Inatsisartunut inassuteqarnissaq ataatsimiititaliamit periarfissaasorineqanngimmat.

Inussiarnersumik inuulluaqqusillunga

*Mariane Paviasen*

Mariane Paviasen

Ataatsimiititaliap siulittaasua